

دايما بكتب عن الحاجات اللي مضيقاني وسببتلى حزن كبير..
ودة لأنى مش بلاقى حد افضفض معاه..
حد يفهمنى من غير عتاب او لوم او تقطيم..
كثير مننا نفسه يفضفض عشان بس يرتاح مش عشان يلاقى حل لمشكلته..
ولأننا اصحاب واجب ومايصحش حد يحكلنا حاجة غير لما نفتى وننصح ونعاتبه
او نبكته بالكلام..
فا مش ببديله فرصة يفضفض لازم نخليه يندم على الساعة اللي فكر يحكلنا
مشاكله ويعبر عنها..
وانا واحدة من الناس دى!!
بتكسف اسمع بس من غير ما انصح وارد حتى لو كان معايا حق وكل اللي بقوله
صح ومنطقى..
بس بنسى ابص فى عين اللي بيحكىلى واعرف هل هو فعلا عايز حل ولا بس
عايز يخرج اللي جواه وخلص يمكن يرتاح..
وشوفت بوست مرة بيقول:
(نفسى احكى لحد كل أسرارى وبعدين ارميه فى البحر)
وهو دة اللي ناس كثير بتحتاجه..
بتحتاج تفضفض من غير ما حد يعلق..يسمع بس..
لا فى يوم يحاول يعايرنى بغلطات او يحاسبنى او يحكم على شخصيتى من خلال
المواقف اللي حكتهاله..
او حتى يعمل انه بيهزر ويرمى كلمة من اللي حكتهاله ويطريق وكأن دمه خفيف
جايز كثير مننا نفسه فى الشخص الكتوم اللي بيسمع وما بيتكلمش، ما بيحسبش، ما
بمسكش فى كل كلمة ويحلها ويعمل منها قصة جديدة وروايا..

iCulture

Empowering creative minds

وعشان الحد دة مش موجود فى الوجود!!

((قررت اخلى الورقة تتقمص الدور دة))

بدأت احكى وافضفض من سنين كتير للورقة وساعات بتخيلها شخص عاقل بيحلل
وبيسمع وبيحاول يخفف عنى..

ومش برميها بعدها ولا بقطعها من الكشكول، بخليها قصاد عينى..

وكل مرة بفتح اقرا المكتوب بكتشف اد ايه المشكلة كانت تافهة وان غضبى هو
اللى كان مسيطر على الموقف مش انه موقف كبير..

ومع الوقت بضحك على نفسى واقول امال اعمل ايه بقى فى المشكلة دى لما اللى
فات كان بالنسبالى بائس كدة ..

وهنا بحس برضا واطمئنان ان كل حاجة هتعدى..

اه هتظهر مشاكل اكبر واكثر لكن هستصغرها مع الوقت..

وهعرف ان دى مش نهاية العالم وان اللى جاى اصعب واوحش بس كله هيعدى..

وفى النهاية مش هطول عليكو عشان (خير الكلام ما قل و دل !!)

iCulture

Empowering creative minds

انسان

بالنسبة لضرب النار و اغتصاب الاطفال !!؟

بالنسبة للانقسام!!

مش بس بلد بتضيع ،وتعليم عقيم ،وناس بتتخاق وشعب بيضيع!!
عيلة بتتفكك وعيال بتتيم وشوارع بتتنن وسواد فى القلوب وضمير مش موجود!!

و كلام فى السياسة وناس مداسة وام محتاسة وراجل غلبان..
مش فاهم الكلام كل اللي قلقه أكل العيال..بيطلع عينه ولا بينام..
وجانبه جاره ! لاق فى داره طارد عياله عشان العسكر!
اصله اخوانى واخوه علمانى والتانى فلول وواحد من حزب الدستور..
الى بيشتم ويقول احرار..واللى بيضرب ويقول كفار..
والراجل سامع خناقتهم وولاده من كتر الجوع قصدتهم امهم وجريت على بيتهم..
تتطلب منهم لقمة ياكلوها وسابتهم..
ماسمعوهاش من خناقتهم..
ماحسوهاش من خيبتهم..

ياريت تكون وصلتكم..ومن غفلتكم صحتكم قبل ما تموتو من جوعكم ..
زى ما حصل لولاد جارتكم..
ياريت تفكرا تشتغلو..وبالغلاية تهتمو..وبالسياسة استنو..الى كاتبه ربنا هيبان..
ياشعب عندان..

من غباكم حليان فى عينيكو كلمة (سياسى)

ونسيتو يعنى ايه (انسان)

iCulture

Empowering creative minds

كوم الهدوم

كوم الهدوم اللى على السرير بقاله ايام مابيتشالاش ولا يترتبش!!

بالنسبالي هموم مش هدوم..

لا قدرة اشيلها لوحدى ولا قدرة اخلى حد يشلهالى..

كل ما اقرب منهم ابكى والاقى كوم تانى وياهم..

لا انا قدرة اخلص اللى ورايا ولا اللى ورايا هيسبنى..

دة كوم الهدوم بيكثر وماحدش بيساعدنى..

والناس عمالة تسأل وراكى ايه ماكفاية!!

مايعرفوش ان الهدوم بتكثر مابتخلصش!!

اول ما اخلص او عدكم هقعد معاكم اشاركم وانصحكومتكومهاش..

اصلها لما بتتراكم خلقك بيضيق!

لا هيقدر على اللى فات ولا حمل مستقبل وحكايات..

احسنلكم تشيلوها ترموها او حتى تشحتوها.. بس او عو تيجو جانبى عشان

سريرى مليون حتى الكراسى كمان!!

iCulture

Empowering creative minds

افلام

بقالى فترة بوقف كل فيلم من نصه ومش بكمله حتى لو شدى..

وكأنى مبسوفة من فكرة انى اقدر اوقف كل الاحداث وامشى..

بضحك ضحكة انتصار انى اهوقفت كل حاجة بمزاجى وهنام..

لا هشوف قصص حب بتنهار ولا مشاكل واخبار..

ولا اعد احلل هو ليه فلان عمل كدة وليه معرفش ايه وبتاع!

وارجع اشوف حياتى وكأنى بتفرج على فيلم!

نفسى اكتب انا احداثه وانه مش مجرد حلم..

اناقتش مع نفسى سيناريو واراجعه اكر من مرة..

واغير احداثه واخلى كل نهاية يوم حلوة ليا ولكل اللى حواليا..

iCulture

Empowering creative minds

الشعر

الشعر بقى أغنية والكلمات منسية
أنا اول مايقول شعر بالعامية بيضحكو عليا

بقينا بنرقص على الكلمات

ونعمل الحان وانغام

ولما نتعمق يقولو:

روحت فين يازمان

ويلمس اوجعنا!

عجبي

عجبي على الحب!

لا البعد بيريحنا ولا القرب بيكفيننا!

مهما اتخاصمنا بنشكى ومهما حبينا!

iCulture

Empowering creative minds

احلم

قد تكون احلامك كثيرة وقد تكون مستحيلة..

ولكنك تستطيع ان تحلم..

فالحلم يولد الأمل ويحفز العقل على العمل..

احلم حتى لو الحلم بعيد..

احلم ف ليس للطموح بديل..

وان كانت كل الظروف ضدك فاربك قادر وكريم..

iCulture

Empowering creative minds